

SUGISAQ

INUIT ISUMALIORTAATSIMIKKUT NAPPARSIMASUT INNARLUUTEQARTULLU
SUGISAASA
PEQATIGIIFIAT

MALITTARISASSAT

CVR nr. 32458548



§ 1

Aqqa angerlarsimaffialu

- Imm. 1: Peqatigiiffik ateqarpoq "SUGISAQ".
- Imm. 2: Peqatigiiffik Nuummi angerlarsimaffeqarpoq.
- Imm. 3: Peqatigiiffik politikkikkut aningaaarsiornikkullu soqtigisalinnut aalajangersimasunut attuumassuteqanngilaq.

§ 2

Siunertaq, anguniakkat suliassallu

- Imm. 1: Sugisap siunertaraa inuit isumaliortaatsimikkut napparsimasut innarluutillillu taakkualu ilaquaasa sugisaasalu inuaqatigiit akornanni paasineqarnerunissaat akaarineqarnerunissaallu suliniutigissallugit. Sugisap atugarissaarneq, pinaveersaartitsineq napparsimareernerullu kingorna inuaqatigiinni nalinginnaasumik inooqataaqqilernissaq suliniutigai.
- Imm. 2: Sugisaq inuaqatigiit inuit tunngaviusumik piginnaatitaaffiinik ataqqinnittut, inuit isumaliortaatsimikkut napparsimasut innarluutillillu aamma inooqataaffigisassaat, tunaartalaralugit suliniarpoq. Inuup immini ataqqinassusaa naleqassusaalu pingaartitanit allanit, soorlu teknologimit aningaaarsiornermillu, pingaernerupput. Inooqatigiinneq ataatsimoornerlu inuup ineriartoqqinneranut tunngaviusutut akuerineqassapput.
- Imm. 3: Sugisap inuup isumaliortaatsimigut nappaateqartup innarluuteqartullu taassumalu sugisaasa inuaqatigiinni inoqataalluarniarlutik takorluukkaminik piviusunngortitsisinnaanerat sulissutigaa. Isumaliortaatsikkut nappaatit innarluutillu inuaqatigiinnut tamarmiusunut, inunnut taamatut nappaateqartunut innarluuteqartunullu taamatullu sugisaasunut taakkuninngalu sullisisunut unamminartuupput. Sugisap anguniakkaminik takorluukkaminillu naammassinninniarnermini peqataarusuttut kikkulluunniit tamaasa suleqatigerusuppi.
- Imm. 4: Sugisap inuit isumaliortaatsimikkut napparsimasut innarluuteqartullu inuuniarnikkut inooqataanikkullu atugaasa pitsanngortinnejarnissaat anguniagarivaa.
- Imm. 5: Peqatigiiffik sumiiffinni immikkoortortanik pilersitsinissamik suliniuteqassaaq. Sugisaq peqatigiiffinnik kattuffinnillu allanik suleqateqarsinnaallunilu taakkunani ilaasortaasinnaavoq.

§ 3

Ilaasortat

Imm. 1: Kikkulluunniit Sugisap siunertaanik, anguniagaanik takorluugaanillu tapersersuisut suleqataanissamillu kajumissuseqartut ilaasortangorsinnaapput, aamma suliffeqarfii suugaluartut assigisaallu.

Imm. 2: Peqatigiiffimmut saaffiginninnikkut ilaasortanngortoqarsinnaavoq, soorlu peqatigiiffiup mail-ia imaluunniit nittartagaa aqqutigalugit. Ilaasortanngorneq peqatigiiffiup allaffianut saaffiginnissuteqarnikkut aamma pisinnaavoq. Ilaasortaaneq atuutilissaaq ilaasortanngortoq ilaasortaanermi akilummik akiliippat.

Ilaasortaanermut akiliut ukiunik marlunnik sivisussuseqarpoq.

Imm. 3: Ilaasortaaneq atuutiinnassaaq, ilaasortap ilaasortaajunnaarnerminik qaammammik ataatsimik sioqqutsisumik siulersuisunut nalunaaruteqarnerata tungaanut.

Imm. 4: Ilaasortap ilaasortaanermut akiliut ataatsimeersuarnermi aalajangerneqartoq akilissavaa. Ilaasortaareersut ukiup qaammataani siullermi akiliisassapput. Ilaasortat nutaat ilaasortanngornerminni akiliisassapput.

Imm. 5: Ataqqinaammik ilaasortanngortitsisoqarsinnaavoq ilaasortaasoq utoqqalinini imaluunniit napparsimanini pissutigalugu peqatigiiffiup ingerlannerani peqataasinnaajunnaarpas. Ilaasortaq peqatigiiffimmut malunnaatilimmik suliniuteqarluarsimasoq ataqqinaammik ilaasortanngortinneqarsinnaavoq.

Imm. 6: Ilaasortaq peqatigiiffimmut suliniuteqarluarsimasoq nersornaaserneqarsinnaavoq.

Imm. 7: Sugisami ilaasortaq toqukkut qimaguppat ilisaanerani peqatigiiffik najuutissaaq.

§ 4

Ataatsimeersuarneq

Imm. 1: Ataatsimeersuarneq peqatigiiffimmi oqartussaasut qullersaraat.

Imm. 2: Ileqquusumik ataatsimeersuarneq aprilip qaammataa naatinngagu ingerlanneqartassaaq, sapaatip akunnerinik pingasunik sioqqutsisumik nalunaaruteqarnikkut. Ataatsimeersuariaqqusineq allagarsiinikkut, elektroniskiusumik periarfissalluunniit allat tulluartut atorlugit, pisassaaq.

Imm. 3: Ataatsimeersuarnermi ilaasortat kikkulluunniit ataatsimeersuarnissaq sioqqullugu ilaasortaanermut akiliisimasut ataatsimeersuaqataallutillu taaseqataasinnaapput. Piginnaatitsinikkut aamma taasisoqarsinnaavoq.

Imm. 4: Nalinginnaasumik ataatsimeersuarnermi minnerpaamik immikkoortut ukua oqaluuserineqassapput:

1. Ataatsimeersuarnermi aqutsisussamik qinersineq
2. Siulersuisut nalunaarutaat
3. Aningaaserisup ukiumoortumik naatsorsuutinik kukkunersioreersimasunik saqqummiussinera
4. Siulersuisut ilaasortallu siunnersuutaannik oqaluuserisaqarneq aalajangiinerlu
5. Ilaasortaanermut akiliutit aalajangersarneqarneri
6. Missingersuutinik akuersineq
7. Peqatigiiffimmi siulersuisunngortussanik pingasunik-tallimanik taakkualu sinniisussaannik marlunnik qinersineq
8. Peqatigiiffiup siulittaasussaanik qinersineq
9. Kukkunersiusussamik qinersineq
10. Tamalaat

Imm. 5: Siunnersuutit suulluunniit, soorlu malittarisassanut allannguutissat, ataatsimeersuarnermi eqqartortikkusutat ataatsimeersuarnissaq ullunik 14-nik sioqquillugu siulersuisunut allakkatigut tunniunneqarsimassapput.

Imm. 6: Ataatsimeersuarneq aqutsisumit siulersuisuni ilaasortaanngitsumit ingerlanneqassaaq.

Imm. 7: Ataatsimeersuarnermi aalajangiinerit nalinginnaasumik amerlanerussuteqarluni nappaanikkut taasilluni akuersissutigineqassapput. Ataatsimeersuaqataasup ataatsip kissaatigippagu allalluni matoqqasumik taasisoqartassaaq. Inunnik qinersisoqassatillugu, qineequsaartullu qinerneqartussanit amerlanerugaangata, tamatigut allalluni taasisoqartassaaq. Ilaasortap ataatsip taasinera taasinertut ataatsitut naleqarpoq. Siulittaasoq, siulersuisut taakkualu sinniisussaat marluk ataatsimeersuarnermi qinerneqartassapput, ukumi ataatsimi atuuttussaallutik.

Imm. 8: Ataatsimeersuarneq tamanut ammasuuvoq, ataatsimeersuaqataasut matoqqasuunissaanik kissaateqanngippata.

§ 5

Immikkut ittumik ataatsimeersuarneq

Imm. 1: Immikkut ittumik ataatsimeersuarneq pisassaaq siulersuisut pisariaqartikkaangassuk imaluunniit ilaasortat minnerpaamik 1/3-liisa tamanna siulersuisunut piumasarigaangassuk. Taamatut pisoqartillugu immikkut ittumik ataatsimeersuarneq pisassaaq siulittaasup tamatuminnga ilisimasaqalernera kingusinnerpaamik qaammammik ataatsimik kingoqquillugu. Immikkut ittumik ataatsimeersuartoqarnissaanik piumasaqaat allakkatigut tunngavilersuinermik ilaqtinnejassaaq.

Stk. 2: Immikkut ittumik ataatsimeersuariaqqusisoqassaaq sap. akunnerinik marlunnik siumut ilaasortanut allakkatigut allatigulluunniit nalunaaruteqarnikkut. Ataatsimeersuaataasussaq nassuaateqartillugu qaaqqusissummi ilanngunneqassaaq.

§ 6

Peqatigiiffiup ulluinnarni ingerlanneqarnera

Imm. 1: Siulersuisut peqatigiiffik ulluinnarni ingerlatissavaat, taakkua tassaallutik siulittaasoq, siulittaasup tullia aningaaserisorlu. Siulersuisut ilaasortanik marlunnik ilaneqarsinnaapput.

Imm. 2: Siulersuisut malittarisassat ukua taamatullu ataatsimeersuarnermi aalajangikkat malillugit peqatigiiffik ingerlatissavaat.

Imm. 3: Siulersuisut nutaat toqqarneqarnerat kingusinnerpaamik ullunik 14-inik kingoqqullugu siulersuisunngortut ataatsimiissapput, siulittaasup tullissaanik aningaaserisussamillu inuttaliillutik. Siulersuisut sinniisussallu tamarmik ataatsimeersuarnermut tullermut atutissapput.

Imm. 4: Siulersuisut namminneerlutik siulersuisuni sulinerup ingerlannissaa pillugu malittarisassaliorsinnaapput taamatullu ataatsimiitaliaaqqanik suleqatigiittussanillu immikkut suliakkikanik pilersitsisinnaallutik.

Imm. 5: Siulittaasoq siulersuisunik ataatsimiigiaqqusisassaaq taakkualu ataatsimiinneri ingerlattassallugit. Allakkatigut elektroniskiusumilluunniit ataatsimiigiaqqusisoqartassaaq, suut oqaluuserineqartussat ilanngullugit. Siulersuisuni ilaasortap minnerpaamik ataatsip siulersuisut ataatsimiinnissaat siulittaasumut allakkatigut kissaatigisinnaavaa. Taamatut pisoqartillugu ataatsimiinneq sapaatip akunneri marluk qaangiutsinnagit ingerlanneqartassaaq.

Imm. 6: Siulersuisut allaffimmi pisortamik atorfinitssisinnaapput. Allaffimmi pisortap suliassai akisussaaffiilu siulersuisut aalajangersussavaat.

§ 7

Aningaasaqarneq, naatsorsuutit kukkunersiuinerlu

Imm. 1: Peqatigiiffiup ukiumut naatsorsuutaasa ukiumut ullorsiutit malippai.

Imm. 2: Siulersuisut ukiumut naatsorsuutit missingersuutillu ataatsimeersuarnermi akisussaaffigaat.

Imm. 3: Peqatigiiffiup naatsorsuutai taamatullu ilaasortaat allattorsimaffiat aningaaserisup ingerlatissavai.

Imm. 4: Naatsorsuutit kukkunersiuisumit ataatsimeersuarnermi toqqarneqartumit kukkunersiorneqassapput.

Imm. 5: Peqatigiiffimmi aningaaserisup siulittaasoq suleqatigilluinnartussaavaa. Isertitat aningaasartuutilu uppernaasaatitaqassapput.

Imm. 6: Peqatigiiffimmit akiligassarsisoqarsinnaanngilaq.

Imm. 7: Ilaasortaanermut ukiut marlukkaarlugit akiliutit:

Inummut ataatsimut	55,00 kr.
Tapersersuisunut, utoqqalineriutilinnut, ilinniartunut assigisaannullu	30,00 kr.
Ilaqutariinnut	80,00 kr.
Suliffeqarfii, assigisaallu	350,00 kr.

§ 8

Atsiorsinnaatitaaneq pisussaaffiillu

Imm. 1: Siulittaasoq kiisalu minnerpaamik siulersuisunut ilaasortaq ataaseq peqatigiillutik peqatigiiffik sinnerlugu atsiorsinnaatitaapput.

Imm. 2: Aningaaserisup siulittaasoq peqatigalugu peqatigiiffiup aningaasaatai nakkutigai, tassunga ilanngullugit ilaasortat akiliutaat kiisalu akiligassanik akiliisarneq.

Imm. 3: Siulittaasup aningaaserisoq peqatigalugu peqatigiiffiup kontoa nakkutigisaraat taannalu pillugu isumaqatigiissuteqarsinnaallutik, tassunga ilanngullugit webbank, Mobilpay aammalu bankimut kortit akiliutit.

Imm. 4: Peqatigiiffiup akisussaaffii akiitsuilu siulersuisut ataasiakkaat ilaasortallu ataasiakkaat inuttut akisussaaffiginnilaat.

§ 9

Malittarisassat allanngortinneqarneri

Imm. 1: Malittarisassat uku taamaallaat ataatsimeersuarnermi ataatsimeersuartut 2/3-liinit amerlanerussuteqartumik taassisutigineqarlutik allanngortinneqarsinnaapput.

Imm. 2: Malittarisassat allannguutaat ataatsimeersuarnermit akuerineqarfimmintiit atuutilissapput.

§ 10

Peqatigiiffiup atorunnaarsinnejnarnera

Imm. 1: Peqatigiiffiup atorunnaarsinnejnarnera taamaallaat pisinnaavoq, ataatsimeersuarnerni tulleriinni marlunni tamanna ataatsimeeqataasut 2/3-liisa akuersissutigippassuk. Ataatsimeersuarnerit taakkua marluk aappaat nalinginnaasumik ataatsimeersuarnerussaaq.

Imm. 2: Atorunnaarsitsisoqarnerani peqatigiiffiup pigisai nalillit peqatigiiffiup malittarisassaani § 2-mi siunertaasunut naapertuuttumik atorneqassapput imaluunniit suliniutinut allanut tamanut iluaqtaasussanut. Pigisat nalillit sumorpiaq atorneqarnissaat ataatsimeersuarnermi peqatigiiffiup atorunnaarnissaanik aalajangiiffiusumi isumaqatigiinnikkut aalajangerneqartassaaq.

§ 11

Atsiorerit

Malittarisassat ukua taamatut isumaqatigiissutaapput peqatigiiffiup nalinginnaasumik ataatsimeersuarnerani Nuummi 18. marts 2023-imi.

Anders Meilvang, aqutsisoq